

也。故知末法今時法華經所坐之處行者所住之處道俗男女貴賤上下所住之處併皆是寂光也。所居既淨土也。能居之人豈非佛耶。法妙故人貴人貴故處尊者此意也。

本眷屬上行等地涌菩薩

謹案法華經意云迹化衆不堪末法弘經不授結要之付屬也。所以者何。迹化不能忍三類之強敵故。本眷屬付屬之事者能堪此土。能忍三類之強敵。故教主釋尊三摩上行等菩薩頂以結要付屬之也。問以何得知。迹化弟子不堪此土弘經云事。答迹化之菩薩等對本化衆未斷惑故也。難云今迹化菩薩者華嚴方等般若法華迹門坐席所列住行向地等覺之大菩薩也。聞本門壽量說可得長遠果地之實益大菩薩也。地涌菩薩假使雖位高不可過等覺無垢。何迹化對本化言未斷惑菩薩耶。答華嚴方等般若得道菩薩其位雖居地住已上乃至等覺爾前方便圓果故對法華迹門之圓果未顯真實權果。故非實斷惑之果。故傳教大師釋云圓教即是菩薩等雖是直道不大大道。今是一法門既異先說。故下經文云四十餘年未顯真實文。又云平等直道捨權一乘。是故說言四十餘年未顯真實文。於四味三教之席雖極果菩薩對迹門圓當分方便之權果非實道之益。何況對本門圓時一毫未斷惑之凡夫也。問爾前迹門

①坐=座 ②圓=因 ③[圓]=一